

Märcher

Günter Mannweiler

Fraa Holle schüttelt Better aus,
es fallen weiße Flocke raus.
Sechs Gääßjer hat de Wolf gefress,
es siebte hat er ganz vergess.

E Knippel aus em Sack duht springe
un beese Leit Respekt beibringe.
Ganz reich worr is de Hans im Glück,
arm, wie er war, kummt er zurück.

Rumpelstilzje, voll im Stress,
hat sich mittig durchgeress.
E Schneiderche, ohne Gewalt,
macht zwä dicke Riese kalt.

E aldi Oma werd verschlung,
e Stiefdochter fascht umgebrung.
Im Wald do setzt mer aus zwä Kinn,
die Hex, die land im Ofen drin.

Vun solche und vun Zauberwese
kann mer immer widder lese.
Vun Falschheit und vun Edelmut,
vun Mensche, schlecht und herzensgut,
vun Tapferkeit und beesem Fluch
verzählt uns 's alte Märchebuch.



Un immer gäbt's e schääner Schluss:
Die Beese grieh'n was uff die Nuss.
Un die, wo redlich sinn un gut,
es Schicksal reich belohne duht.

Wär das net schää, ehr lieve Leit,
wär das noch so in uns'rer Zeit?